

女
科
輯
要

建封沈氏所著醫經續傷寒論隨簡明切當允爲善
本尚有女科精要一書世罕傳本原稿爲余外舅徐
紅橋先生補註珍藏先生早歸道山余受室後得見
其書頗多入理深詔發前人所未發者今年楊素園
明府揭有此稿命爲借鈔余謂婦兄友珊曰君子之
孝也亦務其大者遠者而已寶守遺編莫若傳諸不
朽表珊許焉爰不揣鄙俚稍加參訂而公諸世云一
暨光癸戌仲冬棘人王士雄書於滬上

女科輯要目次

卷上

經水

崩漏

帶下

求子

受胎

辨胎

妊娠諸病

附妊娠藥禁

附錄西語彙

卷下

產

產後諸病

乳語

經病

諸方

女科輯要卷上

沈堯封先生輯

塘後學徐政杰藹輝補注

增王士雄孟英參

男之藩友瑯校

經水

素問女子七歲腎氣盛齒更髮長二七而天癸至任脈通太衝脈盛月事以時下

沈按天癸是女精由任脈而來月事是經血由太衝而來經言二七而天癸至緣任脈通斯時太衝脈盛月事亦以時下一順言之逆言之耳故月

事不調不來及崩是血病。咎在衝脈。衝脈隸陽明。
帶下是精病。咎在任脈。任脈隸少陰。蓋身中中央
一條是任脈。背後一條是督脈。皆起於前後
兩陰之交會處。惟難經明晰。靈素傳誤。帶脈起于
季脇。似束帶狀。人精藏於腎。腎繫於腰背。精欲下
泄。必由帶脈而前。然後從任脈而下。故經言任脈
爲病。女子帶下。

相按俞東扶云。經言男子二八而腎氣盛。天癸至。
精氣溢瀉。若天癸卽月水。丈夫有之乎。蓋男女皆
有精。易謂男女媾精。可媾然。指天癸爲精。亦不妥。

天癸爲精不當又云精氣溢瀉矣後賢謂受孕之道有陽精陰血先至後衝等說亦謬夫男女交接曾見女人有血出耶交接出血是病豈能裹精及爲精所裹哉大約兩精歡暢百脈齊到天癸與男女之精偕至斯爲任脈而成胎耳男胎女胎則由夫婦之天癸有強弱盈虛之不同也吾友徐亞枝云如沈氏說一若天癸卽精者如俞氏說一若血與精之外別有一物所謂天癸者竊謂天癸者指腎水本體而言癸者冰也腎爲水臟天一生水故謂腎水爲天癸至謂至極也猶言足也女子七七

男子二八腎氣始盛而腎水乃足。蓋人身五臟屬五行。惟腎生最先。而腎足最遲。腎衰最早。故孩提能悲能喜能怒能思而絕無慾念。其有情質早開者。亦在腎氣將盛。天癸將至之年。可見腎氣未盛。癸水未足。則不生慾念也。迨腎氣衰。癸水絕。則慾念自除矣。解此段經文者。當云女子必二七而腎水之本體充足。任脈乃通。太衝之脈始盛。月事因而時下矣。夫前陰二竅。溺之出水竅者。無論矣。其由精液者。皆原于天癸者也。月水雖從衝脈下。謂爲天癸之常可也。洩精成孕。是任脈之施受。請爲

天癸之能可也。帶下乃任脈之失擔任。謂為天癸之病。然則帶月來為天癸。似亦無不可也。前賢解此。皆重讀上二字而略下一字。惟將至字實作來字看。遂至議論紛紜耳。

王冰曰。男以氣運。故陽氣應日而一舉。女以血滿。故陰血從月而一下。

月事不調

素問。天地溫和。則經水安靜。天寒地凍。則經水凝泣。天暑地熱。則經水沸溢。卒風暴起。則經水波湧而瀾起。

諸證曰。女子天癸既至。踰十年無男子合。則不調。未
踰十年。思男子合。亦不調。不調則舊血不出。新血誤
行。或潰而入骨。或變而爲腫。或雖合而難子。合多則
滯。枯虛人產乳眾。則血枯殺人。

雄按此論甚不盡然。存其意可也。惟產乳眾而血
枯卒死者頗多。然吾鄉吳醴香大令徐夫人。年
三。次不計外。凡生十男四女。竝已長成。而夫人年
踰五旬。精力不衰。猶能操家政而撫馭羣下也。
方約之云。婦人不得自專。每多忿怒。氣結則血亦結。
雄按此至言也。氣爲血帥。故調經必先理氣。然

氣不可徒以香燥也。蓋鬱怒爲情志之火，煩服香燥則營陰愈耗矣。

趙養葵云：經水不及期而來者，有火也。宜六味丸滋水。如不及期而來多者，加白芍、柴胡、海螵蛸，如半月或十日而來，且綿延不止者，屬氣虛，宜補中湯。如過期而來者，火衰也。六味加艾葉。如脈遲而色淡者，加桂。此其大略也。其間有不及期而無火者，有過期而有火者，不可拘於一定。當察脈視稟，滋水爲主，隨證加減。

維按：婦人之病，雖以調經爲先，第人秉不同，亦如

其面有終身月汛不齊而善於生育者有經期極準而竟不受孕者雄於女科閱歷多年見聞不少始知古人之論不可盡泥无妄之藥不可妄試也辨色及痛

趙養葵曰衝任藏精系胞又恃一點命門之火爲之主宰火旺則紅火衰則淡火太旺則紫火太衰則白所以滋水更當養火甚有乾枯不通者雖曰火盛之極亦不宜以苦寒之藥降火祇宜大補其水從天一之源以養之使滿又曰紫與黑色者多屬火旺亦有虛寒而黑色者不可不察若淡白則無火明矣

沈按王宇泰以寒則疑既行而紫黑定非寒證然
投熱藥取效十中嘗見一二色白無火亦屬近理
然間有不宜補火者嘗見元和一婦經水過期十
日方至色淡穩婆據此投肉桂藥數劑經水過多
遍身發黃不能飲食身熱脈數竟成危候此是丹
溪所謂經水淡白屬氣虛一證要之臨診時須細
察脈象復參旁證方識虛實寒熱儻有疑似證中
有兩說者先用其輕劑如色淡一證先用補氣法
不效再投補火庶無差謬錄葉氏辨證于左

葉氏曰血黑屬熱此其常也亦有風寒外乘者十中

嘗見一二。蓋寒主收引。小腹必常冷痛。經行時。或手足厥冷。脣青面白。尺脈遲。或微而虛。或大而無力。熱則尺脈洪數。或實有力。參之脈證爲的。

雄按色淡。竟有屬熱者。古人從未道及。須以脈證互勘自得。但不可作實熱論。而瀉以苦寒也。更有奇者。方氏婦。產後經色漸淡。數年後。竟無赤色。且亦結塊。平時亦無帶下。人曰。疝瘕。余診之。脈裏數口苦。而時有寒熱。與青蒿白薇黃芩柴胡當歸鱉甲龜板芍藥烏鰂枸杞地骨皮等藥。出入爲方。服百劑而愈。此僅見之證矣。

湯伯仁曰經前臍腹絞痛寒熱交作下如黑豆汁兩
尺脈瀉餘皆弦急此寒溼搏於衝任寒溼生濁下如
豆汁與血交爭故痛宜辛散苦溫血藥

太按辛散血藥是川芎之類苦溫血藥是艾葉之
類

李氏曰經水帶黃混濁者溼痰也

丹溪曰經將行而痛者氣之滯也用香附青皮桃仁
黃連或用抑氣散四物加胡索丹皮條芩又曰經
將來腹中陣痛乍作乍止者血熱氣實也四物加川
連丹皮

杰按抑氣散出嚴氏係香附四兩陳皮一兩茯苓
炙甘草兩半也爲末每服一錢治婦人氣盛於血
變生諸證頭暈膈滿取內經高者抑之之義而
謂是方和平可用若補血以平陽火亦正治也
又經後作痛者氣血俱虛也宜八珍湯
又成塊者氣之凝也

沈按經前腹痛必有所滯氣滯脈必沉寒滯脈必
緊經滯脈必濡兼寒兼熱當參旁證至若風邪由
下部而入于脈中亦能作痛其脈乍大乍小有時
隨起葉氏用防風荆芥桔梗甘草瀉者加人參

壹錢焙黑取其入血分研末酒送神效

又按經前後俱痛病多由肝經而其中更有不同
脈弦細者是木氣之鬱宜逍遙散及川棟小茴橘
核之類脈大者是肝風內動體發紅塊者是肝火
外越俱宜溫潤戴禮亭室人向患經前後腹痛
連及右足體發紅塊脈大右關尤甚己卯秋予
作肝風內動治用生地四錢炒枸杞一錢細石斛
二錢杜仲二錢乾淡蓯蓉一錢麥冬一錢牛膝一
錢歸身一錢五分炒白芍一錢服之痛止後於經
前後數劑經來甚適不復腹痛因作丸服此方屢

川有驗。

經來聲啞證。荀恒大兄長女嫁斜塘倪姓。早寡。體氣虛弱。每逢月事。聲音必啞。余用天冬地黃菴蓉歸身等藥。病益甚。張口指畫。毫無一字可辨。卽於此方加細辛少許。以通少陰之絡。藥纔入口。其聲卽出。十餘劑後。桂附人味。凡調理。永不發。撮要經後日暗。屬血虛。

汪石山曰。經行泄瀉。屬脾虛多溼。宜參苓白朮散。雄按亦有肝木侮土者。

穆氏曰。經行白帶。屬陽虛下陷。用參朮助陽之藥。

雄按亦有鬱火內盛者

月事不來

素問二陽之病發心脾有不得隱曲女子不月其傳爲風消其傳爲息奔者死不治

沈按二陽指陽明經言不指臟腑言二陽之病發心脾者陽明爲多血之經血乃水穀之精氣藉心火燉煉而成憂愁思慮傷心困及其子不嗜飲食血無以資生陽明病矣經云前陰總宗筋之所會會於氣街而陽明爲之長故陽明病則陽事衰而不得隱曲也太衝爲血海並陽明之經而行故陽

明病則衝脈衰而女子不月也

雄按經水固以月行爲常。然虛者多火。經每先期。陰愈虛。行愈速。甚至旬日半月而一行。更有血已無多。而猶每月竭蹶一行者。其涸也可立而待也。若血雖虛而火不甚熾。決必愆期。此含蓄有體。雖停止一二年。或竟斷絕不行。但其脈不甚數者。正合坤主吝。吝之道。皆可無慮。味者不知此理。而但憑月事以分病之輕重。聞其不行。輒欲通之。竭澤而漁。不仁甚矣。

金匱云。婦人病。因虛積冷。結氣。經水斷絕。

張景岳云。經閉有血隔血枯不同。隔者病發于前。通之則愈。枯者其來也漸。補養乃充。

沈按。金匱三證。積冷結氣。有血不行也。景岳謂之血隔。積冷宜肉桂大辛熱之藥導血下行。後用養榮之藥調之。氣結宜宣。如逍遙散或香附烏藥行氣之品宜之。虛者無血可行也。景岳謂之血枯。宜補。趙養葵補水補火補中氣三法。最爲扼要。雄按。補水勿泥于六味。補火勿泥于八味。補中氣勿泥于歸脾。

寇宗奭曰。童年情實早開。積想在心。月水先閉。蓋夢

利華
北
愁思慮則傷心。心傷則血耗竭。故經水閉也。火既受
病。不能榮養其子。故不嗜食。脾既虛。則金氣虧。故發
嗽。嗽既作。則水氣竭。故四肢乾。木氣不充。故多怒。驚
驚。焦。筋。痿。五臟以次傳遍。故卒不死。然終死也。比於
諸勞。最爲難治。

沈按此條亦從金匱虛字內分出。實有是證。但此
證所願不得。相火必熾。非補水無以制之。六味地
黃湯補陰瀉陽。固是妙法。然脾虛食減。倘嫌地黃
泥膈。炒枯可也。不然以女貞易之。願名思義。并瀉
相火。

綱按此證最難治。六味礙脾。歸脾助火。惟薛一瓢
滋營養液膏。加小麥大棗。遠志。庶幾合法。一瓢又
有心脾雙補丸。亦可酌用。

婁全善曰。經閉有汚血凝滯胞門一證。羅謙甫血極
膏一味大黃爲末。醋熬成膏。服之利一二行。經血自
下。是婦人之仙藥也。

朱丹溪曰。肥人痰塞胞門。宜厚朴二陳湯。

沈按。金匱論經閉有冷無熱。非闕文也。蓋天暑地
熱。則經水沸溢。豈反有凝泣不來之理。瘀血東垣
降心火瀉三焦之說。不可盡信。卽骨蒸內熱。亦屬

陰虧非同實火之可寒而愈也。

雜按王子亨全生指迷方地黃煎以生地汁入兩熬耗一半內大黃末一兩同熬候可化如梧子大熟水下五粒未效加至十粒治女子氣竭傷肝月事不來病名血枯蓋瘀血不去則新血日枯也卽內經烏鰂丸仲聖大黃蟅蟲丸之義耳後人但知彼血枯爲血虛而不知血得熱則瘀反用溫補豈能愈此血枯之病。劉封亦爲此論毋乃欠考。

淋瀝不調一名經漏

陳良甫云或因氣虛不能攝血或因經行而合陰陽

外邪客於胞內

雄按亦有因血熱而不循其常度者

月事異常

經云七七而天癸竭有年過五旬經行不止者許叔微主血有餘不可止宜當歸散產寶主勞傷過度喜怒不時李時珍作敗血論三說不同當參脈證

李時珍曰月事一月一行其常也或先或後或通或塞其病也有行期祇吐血衄血或眼耳出血是謂倒經有三月一行是謂居經有一年一行是謂避年有一生不行而受胎者是謂暗經有受胎後月月行經

而產子者。是謂胎盛。俗名胎垢。有受胎數月。血忽大下。而胎不隕者。是謂漏胎。此雖以氣血有餘不足言。而亦異常矣。

雄按有未及二七之年。而經水已行者。有年踰花甲。而月事不絕者。有無病而偶停數月者。有壯年而汛即斷者。有帶下過甚。而經不行者。有數年而一行者。有產後自乳。而仍按月行經者。有一產而停經一二年者。秉賦不齊。不可以常理概也。

血崩

血大至。日崩。此是急病。

素問陰虛癰瘕謂之

許叔微云經云天暑地

經水沸溢。又云。陰虛者尺脈虛。陽搏者寸脈弦急。是爲陰血不足。陽邪有餘。故爲失血內崩。宜奇效四物湯。或四物加黃連。

奇效四物湯

當歸

酒洗

川芎

白芍

炒

熟地黃

以上爲四物

阿膠

艾葉

黃芩

炒

各一錢

又云。女人因氣不先理。然後血脈不順。生崩帶諸證。香附是婦人仙藥。醋炒爲末。久服爲佳。每服二錢。清米飲調下。徐朝奉內人偏藥不效。服此獲安。

按叔微理氣二字。專主怒氣鬱氣傷肝。故用香

附理氣以和肝。慎不可用破氣藥。

薛立齋云。肝經風熱。或怒動肝火。俱宜加味逍遙散。加味逍遙散。

當歸 白芍 柴胡 甘草 茯苓 白朮

丹皮 黑梔 加薄荷 薑棗煎

李太素曰。崩宜理氣降火升提。

金匱云。寸口脈微而緩。微者衛氣疎。疎則其膚空。緩者胃弱不實。則穀消而水化。穀入于胃。脈道乃行。水入于經。其血乃成。營盛則其膚必疎。三焦絕經。名曰血崩。

趙養葵曰。氣爲陽主升。血爲陰主降。陽有餘則升者。勝血出上竅。陽不足則降者。勝血出下竅。氣虛者。面色必白。尺脈虛太。

東垣云。下血證。須用四君子補氣藥收功。

又云。人傷飲食。諸多妄下。清氣下陷。濁氣下降。乃生臌脹。所以胃脘之陽不能升舉。其氣陷下致崩。宜補中湯。

丹溪云。有涎鬱胸中。清氣不升。故經脈壅遏而降下。非開涎不足以行氣。非氣升則血不能歸隧道。其證或腹滿如孕。或臍腹疔痛。或血結成片。或血出則快。

止則悶或膈上動治宜開結痰行滯氣消汚血

（沈按衝爲血海並陽明之經而行故東垣丹溪皆主胃脘之陽不升顧其病源各異李曰妄下朱云痰鬱有腹滿如孕血出反快止反悶等證可證妄下則無有也非問不得

戴元禮曰血大至曰崩或清或濁或純下紫血勢不可止有崩甚腹痛人多疑惡血未盡又見血色紫黑愈信爲惡血不敢止截凡血之爲患卻出未出之際停於腹中卽成紫血以紫血爲不可留又安知紫血之不爲虛寒乎瘀而腹痛血行則痛止崩而腹痛血

住。則痛止。芍歸湯加薑附止其血而痛自止。

薛立齋云。有婦患崩。過服寒藥。脾胃久虛。中病未已。寒病復起。煩渴引飲。粒米不進。昏愒時作。脈洪大。按之微弱。此無根之火。內虛寒而外假熱也。十全大補加附子。崩滅。日服八味丸而愈。又有久患崩。服四物湯涼血劑。或作或止。有主降火。加腹痛。手足厥冷。此脾胃虛寒所致。先用附子理中湯。次用濟生歸脾補中益氣二湯。崩頓止。若泥痛無補法。則誤矣。

沈按。崩證熱多寒少。若血大至。色赤者。是熱非寒。僅色紫黑者。出絡而凝。其中有陽虛一證。經云。陽

氣者衛外而為固也。營行脈中。衛行脈外。脈外之陽虛失於護衛。則脈中之營血漏泄。既出絡脈。凝而不流。漸漸變紫變黑。然必須少腹惡寒方可發溫。

崩證極驗方

地榆 二錢

生地 四錢

白芍 三錢

川連 五

分

黃芩 一錢

五分

甘草 八分

炒

蓮類 一錢

丹

皮 錢半

黑梔 一錢

牡蠣 二錢

生

水煎服

一婦日服人參阿膠血不止。投此即效。因伊帶多。偶以苦參易芩。血復至。用芩即止。去連血又至。加

連卽止

一婦患崩月餘。余診時太崩發暈。幾脫。是方加人參一錢服之。卽定。十劑而安。

一婦患此年逾五旬。投人參阿膠不效。一日用黃連五分。甚不相安。一醫云。是氣病。用酒炒香附歸芍丹皮黃芩牡蠣麥仁黑荊芥各二錢。鬱金一錢五分。橘皮一錢。上沉香磨沖三分。柴胡五分。棕櫚灰八分。煎服一劑。崩止。除去柴胡。棕櫚荊芥。數劑食進。後加白朮爲散。服之作脹。減去卽安。

一婦證少腹惡寒。用桂附八味丸收全效。

雄按經漏崩淋竝由精竅出惟溺血從溺竅而下
婦女雖自知然赧于細述醫者不知分別往往誤
治更有因病汎愆而衝脈之血改從大腸而下者
人亦但知爲便血也臨證均須細審

帶下

與男子遺濁同治

素問狂脈爲病男子內結七疝女子帶下瘕聚

又曰脾傳之腎名曰疝瘕小腸冤結而痛出白名曰

又曰少腹冤熱洩出白液

又曰思想無窮所願不得意淫于外入房太甚發爲

白浮。

沈按帶下有生風冷入于腠絡者巢元方孫思邈
嚴用和楊仁齋婁全善諸人是也有主淫熱者劉
河間張潔古張戴人羅周產諸人是也有主脾虛
氣虛者趙養葵薛立齋諸人是也有主溼痰者朱
丹溪是也有主脾腎虛者張景岳薛新甫是也又
有主木鬱地中者方約之繆仲淳是也其所下之
物嚴主血不化赤而成張主血積日久而成劉主
熱極則津液溢出其治法有用大辛熱者有用大
苦寒者有用大攻伐者有用大填補者雖立論製

方各有意義。然其所下之物。究竟不知爲何物。惟
丹溪云。婦人帶下。與男子夢遺同。顯然指着女精
言。千古疑竇。一言道破。但精滑一證。所因不同。情
其所製之方。圍於痰火二字中耳。由是言之。白帶
卽同白濁。赤帶卽同赤濁。此皆滑膩如精者。至若
狀如米泔。或臭水不黏者。此乃脾家之物。氣虛下
陷使然。高年亦有患此。非精氣之病。不可混治。
又按戴元禮論赤濁云。精者血之所化。有濁去太
多。精化不及。赤未變白。故成赤濁。此虛之甚也。何
以知之。有人夫癸未至。強力好色。所泄半精半血。

若溺不赤。無他熱證。縱見赤濁。不可以赤爲熱。祇宜以治白濁法治之。觀此。則以赤帶爲熱者。謬矣。雄按。帶下。女子生而卽有。津津常潤。本非病也。故扁鵲自稱帶下醫。卽今所謂女科是矣。金匱亦以三十六病。隸之帶下。但過多則爲病。溼熱下注者。爲實。精液不守者。爲虛。苟體強氣旺之人。雖多亦不爲害。惟乾燥則病甚。蓋營津枯涸。卽是虛勞。凡汛愆而帶盛者。內熱逼液。而不及化赤也。併帶而枯燥全無者。則爲乾血勞之候矣。彙而觀之。精也。液也。痰也。溼也。血也。皆可由任脈下行而爲帶。然

有虛寒有虛熱有實熱三者之分。治遺精亦然。而虛寒證較少。故天士治帶必以黃檗為佐也。妙香散 治脈小食少或大便不實者。

龍骨 一兩

益智仁 兩

人參 一兩

白茯苓

錢五 遠志

錢五 去心

茯神

錢五 去木

硃砂

錢二 五分

炙

甘草 錢半

為末。每服酌用數錢。

地黃飲子去桂附 腎陰不足肝陽內風鼓動而滑精其脈弦大者宜之。葉云。天地溫和風濤自息。又云。坎中陽微。下焦失納。又云。肝為剛臟不宜剛藥。祇宜溫柔養之。

水製熟地

八錢

川石斛

一分錢

石菖蒲

錢一

遠

志肉

炒一錢

巴戟肉

錢一

乾淡蓰蓉

錢一

麥冬

一錢五分

茯苓

半錢

五味子

萸肉

末二味酸藥可去

補腎陰清肝陽方

王宇泰云。腎為陰。主藏精。肝為

陽。主疏泄。故腎之陰虛。則精不藏。肝之陽強。則氣不

固。按此方以清芬之品清肝。不以苦寒之藥傷氣。

藕節

一兩

青松葉

一兩

側柏葉

一兩

生地

玉竹

八兩

天冬

八兩

女貞子

四兩

旱蓮草

八味丸

戴元禮云。有赤白濁。人服元。免丹不效。服

附子八味丸。即愈者。不可不知。按此。即坎中陽微。下

焦失納之意屢用有效

雄按陰虛而兼溼火者宜六味丸甚者加黃蘗丸
妙

松硫丸 此是方外之方治赤白濁赤白帶日久不
愈無熱證者其效如神

松香 硫黃 鐵銚內鎔化將醋頻頻灑上俟藥
如飴移銚置冷處用冷水濡手丸如豆大必須人
果方可否則凝硬難丸每服壹錢

雄按此方究宜慎用

固精丸 選註云陽虛則無氣以制其精故寐則陽

隨而精道不禁。隨經隨泄。不必夢而遺也。必須提陽固氣。乃克有濟。

鹿茸具一 鹿角霜分兩 韭子一兩 五味子

五錢 淡乾菝蓉一兩 茯苓五錢 熟附子五錢 巴

戟肉五錢 龍骨五錢 赤石脂五錢 酒糊丸

溫柔濟法 葉氏治白淫

白龍骨 桑螵蛸 湖蓮 芡實 茯苓 金

櫻子 覆盆子 遠志肉 茯神 蜜丸

赤水元珠端本丸 治脈大體肥大。便晨泄不爽。溼

熱遺精極驗。葉云。溼熱之病。面色赤亮可證。

苦參

雨二

黃檗

雨二

牡蠣

雨一

蛤粉

雨一

葛根

青蒿

雨一

白螺螄殼

雨一

神麴和丸

本事方清心丸

戴元禮云。有經絡熱而滑精者。此

方最妙。

大智禪師云。腰脊熱而遺者。皆熱遺也。

黃檗

冰片

鹽湯爲丸。

杰按然亦有陰虧之極。致腿足腰脊肝腎部位作熱而遺者。又宜填陰固濟以歛虛陽。非可妄投清火。宜詳辨脈證。

導赤散

李瀨湖云。一壯年男子夢遺白濁。少腹有

氣。一衝每日腰熱。卯作酉涼。腰熱作則手足冷。前爲

無氣腰熱退則前陰氣動手足溫又且多下氣暮多
噫氣時振逾旬必遺脈弦滑而大偶投瀉藥則一夜
二遺遂用此方大劑煎服遺濁皆止

生地 木通 甘草稍

雄按任脈虛而帶下不攝者往往滋補雖投而不
能愈余以海螵蛸一味爲粉廣魚鱉煮爛杵丸綠
豆大淡菜湯下久服無不收功眞妙法也

求子

素問女子二七而天癸至任脈通太衝脈盛月事以
時下故有子七七而任脈虛太衝脈衰小天癸竭地

道不通故形壞而無子。

沈按此求子全賴氣血充足。虛衰卽無子。故薛立齋云。至要處在審男女尺脈。若右尺脈細或虛大無力。用八味丸。左尺洪大。按之無力。用六味丸。兩尺俱微細或浮大。用十補丸。此遵內經而察脈用方。可謂善矣。然此特言其本體虛而不受胎者也。若本體不虛而不受胎者。必有他病。繆仲淳主風冷乘襲子宮。朱丹溪主衝任伏熱。張子和主胸中實痰。丹溪於肥盛婦人主脂膜塞胞。陳良甫于二三十年全不產育者。胞中必有積血。主以蠶胞湯。

諸賢所論不同要皆理之所有宜察脈辨證施治
之
盪胞湯在千金爲婦人求于第一方孫真人鄭重

盪胞湯

朴硝 丹皮 當歸 大黃 桃仁 生用各三銖

厚朴 桔梗 人參 赤芍 茯苓 桂心

甘草 牛膝 檳皮 各二銖 附子 六銖 蠅虫

水蛭 各十枚

右十七味㕮咀以清酒五升水五升合煮取三
升分四服日三夜一每服相去三時更服如前

覆被取微汗。天寒汗不出。着火籠之。必下膿血。
務須斟酌下盡。二三服卽止。如大悶不堪。可食
酢飯冷漿。一口卽止。然恐去惡不盡。忍之尤妙。
雄按子不可以強求也。求子之心愈切。而得子愈
難。天地無心而成化。乃不期然而然之事。非可以
智力爲者。惟有病而倒其孕育之人。始可用藥以
治病。凡無病之人。切勿妄藥以求子。弄巧反拙。豈
徒無益而已耶。縱使有效。而藥性皆偏。其子稟之
非天札。卽頑悖。余歷驗不爽。

又按濕胞湯雖有深意。其藥太峻。未可輕用。惟保

胎神佑九善舒氣懣緩消積血不但爲保胎之良藥亦是調經易孕之仙丹每日七丸頻服甚效余歷用有驗最爲穩妙

又按世有愚夫愚婦一無所知而敏于生育者此方靈臯所謂此事但宜有人欲而不可有天理也觀于此則一切求子之法皆不足憑况體氣不齊豈容概論有終身不受孕者有畢世僅一產者有一產之後踰十餘年而再妊者有按年而妊者有婉甫彌月而卽妊者有每妊必駢胎者且有一產三胎或四胎者駢胎之胞有合有分其產也有接

踵而下者有踰日而下者甚有踰一旬半月而下者。諺云。十箇孩兒十樣生。是以古人有甯醫十男子。莫醫一婦人之說。因婦人有胎產之千態萬狀。不可以常理測也。世之習婦科者。不可不究心焉。又按古人五種不男。白螺紋鼓角脈。而人多誤解。余謂螺乃騾字之譌。騾形之人。交骨如環。不能開拆。如受孕。必以產厄亡。紋則陰竅屈曲如螺紋之盤旋。礙于交合。俗謂之實女是也。後人不知騾形之異。而改爲螺。遂以紋之似螺者。又混于鼓。鼓者陰戶有皮鞣如鼓。僅有小竅通溺而已。設幼時以

鉛作鋌。逐日耗之久。則自開。尚可以人力爲也。魚
則陰中有物。與至亦有能舉者。名曰二陰人。俗云
雌雄人是也。脈則終身不行經者。理難孕育。然臨
經亦可受胎。錢國寶云。蘭谿孫茂匠之妻。自來無
經。而生四子一女。故五種之中。惟三者非人力所
能治。而紋角二種。併不可交也。特考定之。以正相
傳之譌。黑形之女。初生時。穩婆技精者。問之。卽知
其可男可女之身。名人病者。亦角類也。

受胎總論

李東壁曰。易云。男女媾精。萬物化生。乾道成男。坤道
成女。褚澄言。血先至裏精。則生男。精先至裏血。則生

女陰陽均至。非男非女之身。精血散分。駢胎品胎之
兆。道藏言月水亡後。一三五日成男。二四六日成女。
東垣言血海始淨。一二日成男。三四五成女。聖濟言
因氣而左動。陽資之則成男。因氣而右動。陰資之則
成女。丹溪乃非褚氏而是東垣。主聖濟左右之說。立
論歸于子宮左右之系。可謂悉矣。竊謂褚氏未可非。
東垣亦未盡是也。蓋褚氏以氣血之先後言。道藏以
日數之奇偶言。東垣以女血之盈虧言。聖濟丹溪以
子宮之左右言。各執一見。會而通之。理自得矣。蓋獨
男獨女。可以日數論。駢胎品胎。亦可以日數論。男

載一產三子四子。有半男半女。或男多女少。或男少女多。則一二五日爲男。二四六日爲女之說。豈其然哉。褚氏聖濟丹溪主精血子宮左右之論爲有見。而道藏東垣日數之論爲可疑矣。叔和脈經以脈之左右浮沉辨猥生之男女。高陽脈訣以脈之縱橫逆順別顛品之胎形。恐臆度之見。而非確論也。

相按閱微草堂筆記云。夫胎者兩精相搏翕合而成者也。媾合之際。其情旣洽。其精乃至。陽精至而陰精不至。陰精至而陽精不至。皆不能成。皆至矣。時有先後。則先至者氣散不攝。亦不能成。不先不

後兩精並至。陽先衝而陰包之則成男。陰先衝而陽包之則成女。此化生自然之妙。非人力所能爲。故有一合卽成者。有千百合而終不成者。愚夫婦所知能。聖人有所不知能。此之謂矣。端恪後人沈君辛甫云。胎脈辨別處。誠醫者所當知。若受妊之始。曷以得男。何緣得女。生化之機。初無一定。諸家議論雖歧。無關損益。置之可也。

辨胎

素問婦人足少陰脈動甚者。妊子也。

沈按足少陰腎脈也。動者如豆。厥厥動搖也。王太

僕作手少陰于少陰脈應在掌後鈐骨之後路者
中直對小指非太淵脈也必有所提全元起作足
少陰候在尺中經云尺裡以候腹中胎在腹中當
應在尺此爲近理

又曰陰搏陽別謂之有子

沈按王注云陰尺中也搏謂搏觸于尺也尺脈搏
擊與寸脈迥別則有孕之兆也

又曰何以知懷子之且生也曰身有病而無邪脈也
難經曰女子以腎系胞三部脈浮沉正等按之不絕
者有妊也

沈按叔和曰婦人三部脈浮沉正等以手按之不絕者孕子也妊娠初時寸微呼吸五至三月而尺數也脈滑疾重以手按之散者胎已三月也脈重手按之不散但疾不滑者五月也此即陰搏陽別之義言尺脈滑數寸脈微小尺與寸脈別者孕子也

辨男女胎

王叔和曰妊娠四月其脈左疾爲男右疾爲女俱疾爲生二子又曰左尺偏大爲男右尺偏大爲女左右俱大產二子大者如實狀即陰搏之意尺脈實大

與寸脈迥別。但分男左女右也。又曰左脈沉實爲男。右脈浮大爲女。

張全善曰。按卅漢云。男受胎在左子宮。女受胎在右子宮。推之于脈。其義亦然。如胎在左。則氣血護胎。必盛于左。故脈左疾爲男。左大爲男也。胎在右。則氣血護胎。必盛于右。故脈右疾爲女。右大爲女也。亦猶經文陰搏陽別。謂之有子。言胎必在身半之下。氣血護胎。必盛于下。故陰尺鼓搏與陽寸迥別也。

千金云。令妊婦面南行。從背後呼之。左迴首者是男。右迴首者是女。又女腹如箕。以女胎背母足膝抵腹。

下大上小故如箕男腹如釜男胎向母背脊抵腹其形正圓故如拳也

沈按內經妊娠數條惟陰搏陽別尤爲妙語素問診法上以候上下以候下氣血聚于上則寸脈盛氣血聚于下則尺脈盛其勢然也試之瘡癰無不驗者況胎在腹中氣血大聚豈反無徵驗之理胎系於腎在身中以下故見于尺部但人脈體不同有本大者有本小者卽懷妊時有見動脈者有不見動脈者然尺中或疾或數總與寸脈迥然有別細審自得卽左右男女亦然受胎時偏左成男

氣血聚于左則左重故呼之則左顧便脈必形于左尺受胎時偏右成女氣血聚於右則右重呼之則右顧便脈必形于右尺此一定之理也至若丹溪男受胎於左子宮女受胎于右子宮此是語病猶言偏于子宮之左偏于子宮之右耳原非有二子宮也惟左男右女指醫人之左右手言恐未必然

雄按諸家之說皆有至理而皆有驗有不驗余自髫年卽專究於此三十年來見聞多矣有甫受孕而脈卽顯呈于指下者有半月一月後而見于脈

者有二三月而見於脈者有始見孕脈而五六月
之後反不見孕脈者有始終不見于脈者有受孕
後反見絃澀細數之象者甚有兩脈反沉伏難尋
者古人所論原是各抒心得奈死法不可以限生
人紙上談兵未嘗閱歷者何足以語此惟今春與
楊素園大令談之極蒙折服殆深嘗此中甘苦也
憶辛丑秋診周光遠令正之脈右寸關忽見絃大
滑疾上溢魚際之象平昔之脈未嘗見此頗爲臆
然及詢起居諸無所苦惟汛愆半月耳余曰妊也
併可必其爲男難而其父孫際初聞之診乃女脈

曰妊則或然。恐爲女孕。余凡肺象乎天。今右寸脈最絃滑。且見上溢之象。豈非本乎天者親上耶。孫曰。此雖君之創解。然極有理。究不知瓜紅何似耳。始壬寅夏果舉一男。聊附一端。以爲鑿鑿談脈者。

妊婦似風

細按卽子風證

沈按。妊婦病源有三大綱。一曰陰虧。人身精血有限。聚以養胎。陰分必虛。二曰氣滯。腹中增一障礙。則升降之氣必滯。三曰痰飲。人身臟腑接壤。腹中遽增一物。臟腑之機括爲之不靈。津液聚爲痰飲。

知此三者。庶不爲邪說所惑。如婦卒倒不語。或口
眼歪斜。或手足瘳癱。皆名中風。或腰背反張。時昏
時醒。名爲風痺。又名子癰。古來皆作風治。不知卒
倒不語。病名爲厥。陰虛失納。孤陽逆上之謂。口眼
歪斜。手足瘳癱。或因痰滯經絡。或因陰虧不吸。肝
陽內風暴動。至若腰背反張一證。臨危必見。戴眼。
其故何歟。蓋足膀胱經太陽之脈。起於目內眥。上
額交顙。循肩膊內。夾脊抵腰中。足太陽主津液。虛
則經脈時縮。脈縮故腰背反張。經云。瞳子高者。太
陽不足。謂太陽之津液不足也。脈縮急則瞳子高。

甚則戴眼。治此當用地黃麥冬等藥滋養津液爲主。胎前病陽虛者絕少。慎勿用小續命湯。

雄按陰虛氣滯二者昔人曾已言之。痰飲一端可謂發前人之未發。因而悟及產後諸妄等證。誠沈氏獨得之祕。反覆申明有裨後學之功。不亦多乎。沈按錢鵠雲正室飲食起居無恙。一夜連厥數十次。發則目上竄形如尸。次日又厥數十次。至晚一厥不醒。以火炭投醋中近鼻熏之。不覺切其脈三部俱應。不數不遲。並無怪象。診畢伊父倪福增曰。可治否。余曰可用青鉛一觔化炷。傾盆水內撈起。

再炸再傾。三次取水煎生地一兩。天冬二錢。細石
斛三錢。甘草一錢。石菖蒲一錢。服。俛。留。余。就。寢。書
室晨起。見。俛。復。治。藥。云。昨夜服藥後。至今止厥六
次。厥亦甚輕。故照前方再煎與服。服後。厥遂不發。
後生一子。計其時。乃受胎初月也。移治中年非受
胎者。亦屢效。

吳門葉氏治一反張發時如跳蟲離席數寸發過卽
如斗人。用白芍甘草紫石英炒小麥兩棗煎服而愈。
捷徑方載一毒藥攻胎藥毒衝上外證牙關緊急口
不能言兩手強直握拳自汗身有微熱與中風相似

但脈浮而軟。十死一生。醫多不識。若作中風治。必死。用白扁豆二兩生。去皮爲末。新汲水調下。卽效。痰滯經絡。宜二陳加膽星竹瀝薑汁。

初娠似勞

沈按錢彬安室人。內熱咳喘。涎痰夜不能臥。脈細且數。呼吸七至。邀余診視。問及經事。答言向來不準。今過期不至。余因隣近。素知伊稟怯弱。不敢用藥。就診吳門葉氏。云此百日勞。不治。歸延本邑浦書亭療。投逍遙散。不應。更姜薤湯。亦不應。日病本無藥可治。但不藥必斃病者。可與六味湯。柳復爾。

爾因取六味丸料二十分之一煎服一劑咳減二劑熱退四劑霍然。惟覺腹中有塊。日大一日。滿月生一女。母子俱安。越二十餘年女嫁。母故。後以此法治懷妊。欬喘涎痰。或內熱。或不內熱。或脈數。或脈不數。五月以內者俱效。五月以外者有效。有不等效。

雄按亦有勞損似疑者。蓋凡事皆有兩面也。

喘

丹溪云。因火動胎。逆上作喘急者。川條芩。香附。爲末。水調服。

呂滄洲曰有婦胎死腹中病喘不得臥醫以風藥治
肺診其脈氣口盛人迎一倍左關弦動而疾兩尺俱
短而離經因曰病蓋得之毒藥動血以致胎死不下
奔迫而上冲非外感也大劑芎歸湯加催生藥服之
下死胎其夫曰病妾有懷室人見嫉故藥去之眾所
不知也

外感作喘仍照男子治故不錄他病倣此

王海藏醫壘元戎曰胎前病唯當順氣若外感四氣
內傷七情以成他病治法與男子同當於各證類中
求之惟動胎之藥切不可犯

惡阻

金匱曰婦人得平脈陰脈小弱其人渴不能食無寒熱名妊娠於法六十日當有此證設有醫者治逆卻一月加吐下者則絕之

沈按張全善曰惡阻謂嘔吐惡心頭眩惡食擇食是也絕之者謂絕止醫藥候其自安也予嘗治一二妊婦嘔吐愈治愈逆因思絕之之旨停藥月餘自安

朱丹溪曰有妊二月嘔吐眩暈脈之左弦而弱此惡阻因怒氣所激肝氣傷又挾胎氣上逆以茯苓半夏

湯下抑青丸

千金半夏茯苓湯治妊娠阻病心中憤悶空煩吐逆惡聞食氣頭眩體重四肢百節疼痛煩沉羸多臥少起惡寒汗出疲極黃瘦

半夏

生薑

各三銖

乾地黄

茯苓

各十銖

橘

皮

旋覆花

細辛

人參

芍藥

芎藭

桔梗

甘草

各十銖

右十二味

以水一斗

煮取三升

分三服

若

病阻積月日不得治

及服藥冷熱失候

病變者

熱煩渴口生瘡者

去橘皮細辛

加煎胡知母各

十二銖若變冷下利者去乾地黄入桂心十二銖若食少胃中虛生熱大便閉塞小便赤少者宜加大黃十八銖去地黄加黃芩六銖餘依方服一劑得下後消息看氣力冷熱增損方更服一劑湯使急使茯苓丸令能食便強健也忌生冷醋滑油膩

千金茯苓圓 服前湯兩劑後服此即效

茯苓 人參 桂心熬 乾薑 半夏 橘皮

各一兩 白朮 葛根 甘草 枳實各二兩 右寸

味蜜丸梧子大飲服二十九漸加至三十九日

杰按肘后不川乾姜半夏橘皮白朮葛根只用五
 物又云妊娠忌桂散熬雄按胎前產後非確有
 虛寒服證者皆勿妄投熱劑暑月尤宜慎之

方

青竹茹 橘皮各十銖 茯苓 生薑各一兩 半夏

三銖

右五味水六升煮取二升半分三服

千金橘皮湯治妊娠嘔吐不下

婦人經水不調

橘皮 竹茹 人參 白朮 各十 生薑 一

厚朴 十二 右六味 水七升 煮取三升 分三

服

沈按 張姓婦懷妊三月 嘔吐飲食 服橘皮竹茹黃

芩等藥不效 松和車潤津用二陳湯加旋覆花葛

皮水煎沖生地汁一杯 一劑吐止 四劑全愈 一醫

笑曰 古方生地半夏同用甚少 不知此方即千金

半夏茯苓湯除去細辛 桔梗芩藎白芍四味

又按 嘔吐不外肝胃兩經病 人身臟腑本是接應

懷妊則腹中增了一物 臟腑機括為之不靈 水數

之精微不能生蒸爲氣血。凝聚而爲痰飲。窒塞胃
口。所以食入作嘔。此是胃病。又婦人既娠。則精血
養胎。無以攝納肝陽。則肝陽易升。肝之經脈夾胃。
肝陽過升。則飲食自不能下胃。此是肝病。千金牛
夏茯苓湯中用二陳。化痰以通胃也。用旋覆高者
抑之也。用地黃補陰以吸陽也。用人參生津以養
胃也。其法可謂詳且盡矣。至若細辛亦能散痰。桔
梗亦能理上焦之氣。芍藥亦能宣血中之滯。未免
升提。白芍雖能平肝。然陰伸景法胸滿者去之。故
軍氏皆不用。斟酌盡善。因劑獲安。有以也。

雄按發明盡致精義入神

沈按蔡姓婦惡阻水藥俱吐松郡醫用抑青丸立效黃連一味爲末粥糊丸麻子大每服二三十丸又按肝陽上升補陰吸陽原屬治本正理至肝陽亢甚滴水吐出卽有滋陰湯藥亦無所用不得不川黃連之苦寒先折其太甚得水飲通然後以滋陰藥調之以收全效

雄按左金丸亦妙

沈按沈姓婦惡阻水漿不咽卽吐醫藥雜投不應身證骨立精神困倦自謂必死醫亦束手一老婦

云急停藥。八十日當愈。後果如其言。停藥者。卽金
匱絕之之義也。至八十日當愈一語。豈金匱六十
日當有此證之誤耶。不然。何此言之驗也。

又朱宗承正室甲戌秋。體倦吐食。診之略見動脈。
詢得停經兩月。惡阻證也。述前治法有效。有不效。
如或不效。卽當停藥。錄半夏茯苓湯方與之。不效。
連更數醫。越二旬復邀余診。前之動脈不見。但覺
細軟。嘔惡日夜不止。且吐虵兩條。余曰。惡阻無礙。
吐虵是重候。始安其虵以觀動靜。用烏梅丸。早晚
各二十九。四日虵止。雖未不詐。此治惡阻之變局。

也故誌之

妊婦煩名子煩

丹溪云煩因胎元壅鬱熱氣所致

沈按子煩病因曰痰曰火曰陰虧因痰者胸中必滿仲景云心中滿而煩宜瓜蒂散此是吐痰法妊婦禁吐宜二陳湯加黃芩竹茹旋覆花陰虧火甚者仲景黃連阿膠最妙

醫方集解汪叔卷有竹葉湯一方治妊娘心驚膽怯終日煩悶名子煩因受胎四五月相火用事或盛夏君火大行俱能乘肺以致煩躁胎動不安

亦有停痰積飲滯于胸膈以致煩躁者

麥冬錢半

茯苓

黃芩

錢一

人參五

淡竹葉

片

竹葉清煩黃芩

消熱麥冬涼肺心火乘肺故

煩出於肺茯苓安心人參補虛妊娠心煩因多虛

也如相火盛者單知母丸若火盛者單黃連丸

神不安者硃砂安神丸切不可作虛煩用梔豉等

藥治之一方茯苓爲末無人參有防風一方有防

風知母無人參有茯苓加竹瀝

子懸

嚴氏紫蘇散許叔微云治懷胎近上脹滿疼痛謂之

子懸 陳良甫曰。妊至四五月。若相二火養胎。熱氣逆上。胎湊心胸。腹滿疼。同名白子懸。用此加黃芩山梔之類。一方無川芎。名七寶散。許叔微云。六七月子懸者。用之數數有驗。不十服胎便近下。

紫蘇

雨一

腹皮

人參

川芎

橘皮

白芍

當歸

分三

甘草

分一

剉

分三服

水一盞

生薑四

片

葱白煎

去渣服

杰按去川芎。應避升提之故。

汪訥菴曰。治胎氣不和。痰上胸腹。腹滿頭疼。心腹腰脇皆痛。名子懸。因下焦氣實。相火旺盛。舉胎而上。上

通心利也。每服止用蘇葉一錢。當歸七分。腹皮以下
皆五分。甘草二分。無熱白心腹痛者。加木香。延胡。
陳來章曰。當歸芍藥以和其血。蘇橘大腹以順其氣。
氣順血和則胎安矣。既利其氣。復以人參甘草養其
氣者。順則順其邪逆之氣。養則養其沖和之氣也。
木按。延胡動血。恐未可用。

趙養葵有命門虛寒。胎上湊心。就煖一說。

沈按。此是百中僅一。非實見。虛寒脈證。熱藥不可
嘗試。

又郁姓婦懷妊九月。偶過勞動。遂覺腹痛。胎漸升。

至胸中氣塞不通忽然狂叫咬人數人扶持不住
病名子上撞心卽子懸之最重者用旋覆代赭湯
去參棗連淮兩劑胎墮得生又一婦證亦如之服
前藥胎墮而死

又陞檢修正室子上撞心加穩婆教磨代赭汁服
遂產兩子一子在上橫於心下一子撞着上子故
經一晝夜不至撞心得不死產下遂安

慈白湯治胎上逼心煩悶又治胎動困篤本草云慈
白通陽安胎。雙全善曰此方神效。脈浮滑者宜之。慈
白二七草濃煮汁飲之。胎未死卽安。已死卽出。未效

再服

陳良甫曰。治一婦孕七箇月。遠歸。忽然胎上衝作痛。坐臥不安。兩醫治之無效。遂云胎已死矣。用蓖麻子。何爛和麝香。貼臍中。以下之。命在呼吸。召陳診視。兩尺脈絕。他脈和平。陳問二醫。作何證治之。答云死胎。陳問何以知之。曰兩尺沉絕。以此知之。陳曰。此說出何書。二醫無答。陳曰。此子懸也。若是胎死。卻有辨處。面赤舌青。子死母活。面青舌赤。吐沫母死。子活。唇舌俱青。子母俱死。今面不赤。舌不青。其子未死。是胎上逼心。宜以紫蘇飲連進。至十服而胎近下矣。

李氏曰。子懸證火盛極。一時心氣悶絕而死。紫蘇飲連進可救。若兩尺脈絕者。有誤服動胎藥子死腹中。則憎寒。手指脣爪俱青。全以舌爲證驗。芎歸湯救之。

維按戊申秋。荆人妊八月。而患欬嗽。礙眠。鼻衄如射。面浮指腫。諸藥不應。諦思其故。素屬陰虛。內火自盛。胎因火動。上湊心胸。肺受其衝。欬逆乃作。是不必治其嗽。仍當以子懸治之。因以七寶散去麝。芍生薑爲其胸滿而內熱也。加生石膏以清陽明之火。然地黃以攝根蒂之陰。投匕卽安。今年冬仲。

亦以八月之娠而悲哀勞瘁之餘胎氣衝逆眩暈
嗽痰。皖腹便澀。苦黃口渴。子獨飲六神湯去膽星
茯苓。加枳實蘇葉大腹皮以理氣開鬱。黃芩梔子
竹筴以清熱安胎。一劑知。二劑已。凡子懸證因于
痰滯者。余每用此法。無不應如桴鼓。

妊娠腫脹

沈按。妊婦腹過脹滿。或一身及手足面目俱浮。病
名子滿。或名子腫。或名子氣。或名胎水。或名琉璃
胎。但兩腳腫者。或名皺腳。或名肥腳。名色雖多。不
外有形之水病與無形之氣病而已。何則。胎礙臟

府機括不靈。腎者胃之關也。或關門不利。因而聚水。或脾不能散精行肺。或肺不能水精四布。此有形之水病也。又腹中增一物。則大氣升降之道窒塞。此無形之氣病也。病在有形之水。其證必皮薄色白而亮。病在無形之氣。其證必皮厚色不變。說見內經腹論。細玩自明。更有痰滯一證。痰雖水類。然凝聚質厚。不能遍及皮膚。惟壅滯氣道。使氣不宣通。亦能作腫。其皮色亦不變。故用理氣藥不應加化痰之品。自然獲效。

徐按靈樞水脹論曰。水始起。目窠上微腫。如新臥。

起之狀其頸脈動時。或除肢開寒足脛腫腹乃大。其水已成矣。以手按其腹。隨手而起。如裹水之狀。此其候也。膚脹者。寒氣客于皮膚之間。熱熱然不堅。腹大身盡腫。皮厚。按其腹。窅而不起。腹色不變。此其候也。愚按於膚脹言皮厚色不變。則水脹之皮薄色變可知矣。存忝。

千金鯉魚湯治妊娠腹脹。或渾身浮腫。小便赤澀。沈按此治有形之水也。以腹脹滿爲主。身腫溺澀。上加一或字。乃或有或無之詞。不必悉具。

陳良甫曰。胎孕至五六箇月。腹大異常。此由胞中蓄

水名曰胎水。不早治恐胎死。或生子手足軟短。宜于金鯉魚湯。蓋鯉魚歸腎。又是活動之藥。臣以苓朮薑橘直達胞中去水。又恐水去胎虛。佐以歸芍使胎得養。真神方也。

當歸

白芍

各一錢

茯苓

一錢五分

白朮

二錢

橘

紅分

鯉魚一尾

去鱗腸作一服。白水煮熟去

魚。用汁一盞半。入生薑三片煎一盞。空心服。胎

水即下。如腹悶未盡除。再合一服。

金匱葵子茯苓湯治妊娠有水氣。身重小便不利。洩漸惡寒。起即頭眩。按此滑利之劑。亦治有眩之水。

葵子

一、茯苓、

散飲服方寸匕。日三服。

小便利則愈。

天仙藤散治妊娠自三月成胎之後兩足自腳面漸腫至腿膝行步艱難喘悶妨食狀似水氣甚至足指間出黃水者謂之子氣。此元豐中淮南名醫陳景初製也。木名香附散後李伯時更名天仙藤散。按此理氣方也。腳而漸腫至腿膝併足指間黃水出是水與氣同有之證。不得即謂之氣病。必皮厚色不變方是氣病。用此方為對證。

天仙藤

即青木香。洗略焙。

香附

炒

陳皮

甘草

烏藥

木香

等分

剉末每服五錢加生薑三片

紫蘇五葉水煎日三服腫消止藥

齊仲甫曰妊娠八九月見腳腫不必治當易產因胎中水血多不至慘胎故也若初妊卽腫者是水氣過多兒未成體恐胎傷壞

腳腫主男胎宋少主微行徐文伯從見一妊婦不能行少主脈之曰此女形也文伯診之曰此男胎也在左則胎色黑少主怒欲破之文伯惻然曰臣請針之補合谷瀉三陰交應手而下男形而色黑

鮮立齋案云妊婦腹脹小便不利吐逆諸醫雜進

溫胃寬氣等藥服之反吐。轉加脹滿。溲心。驗之胎死已久。服下死胎藥不能通。因得鯉魚湯。其論曰。妊婦通身腫滿。或心胸急脹。名曰胎水。遂看妊婦。刺肚不分急。以鯉魚湯三五服。大小便皆下惡水。腫消脹去。方得分娩死胎。此證蓋因懷妊腹大。不以爲怪。竟至傷胎。可不慎哉。

妊婦經來

王叔和曰。婦人月經下。但少。師脈之反。言有娠。其後審然。其脈何類。曰。寸口脈陰陽俱平。營衛調和。寸口陽俱平。自然也。按之則滑。浮之則輕。則證是有餘之象。

浮取之以候陽分則輕是不足陽明少陰各如經法
之象竊謂此即陰搏陽別之義
衡法精陽明主血任少陰主精各如身反洒淅不欲
食頭痛心亂嘔吐而無邪脈妊子也
病呼之則微吸
之不驚陽多氣溢陰滑氣盛滑則多實六經養成所
以月見多溢於外合陽氣吸入之氣舒徐不驚是陽氣
內盛所以月見經來六經陰見陽精汁凝胞散散者
養成句無解尚須詳議
損胎然胞中若散脈必散而不滑今脈滑無虞也設
復陽盛雙妊二胎今陽不足故令激經也
盛必雙胎
今氣不足而血有餘
非雙胎乃激經也

產乳集云妊婦月信不絕而胎不墮問產科熊宗古

答云此婦血盛氣衰其人必肥既妊後月信常來而胎不動若便以漏胎治之則胎必墮若不作漏胎治則胎未必墮。宗古之言誠爲有見然亦有未必因血盛者。榮經有風則經血喜動以風勝故也則所下者非養胎之血若作漏胎治投以滋補是實實也胎豈有不墮若知是風當以一味風藥投之經信可止卽不服藥胎亦無恙然亦有胎本不固因房室不節先漏而後墮胎者須作漏胎治又不可不審也

沈按妊娠經來與漏胎不同經來是按期而至來一亦必少其人血盛氣衰體必肥壯漏胎或因邪風

所迫或因房室不節血來未必按期體亦不必肥
壯且漏胎之因不盡風邪房室更有血熱肝火諸
證不可不察脈辨證風入脈中其脈乍大乍小有
時隴起所云一味治風藥是舉卿古拜散即華附
荊芥畧炒爲末每服血熱證必五心煩熱治以黃
三錢黑豆滓酒調服芎阿膠涼血之藥肝火內動脈必弦數併見氣脹
腹痛治以加味道遙散見崩房勞證脈必虛宜人
參或虛而帶數宜六味湯

廣天民曰或問妊婦有按月行經而胎自長者有三
五箇月間其血大下而胎不墮者或及期而分塊或

經月而胎生者。謂之漏胎。曰。按月行經而胎日長者。名曰盛胎。其婦氣血充盛。養胎之外。其血有餘。故也有數月之胎而血大下。謂之漏胎。因事觸胎。動其衝脈。故血下而不傷子宮也。然孕中失血。胎雖不墮。氣血亦虧。多致踰月不產。曾見有十二三月十七八月或二十四五箇月生者。往往有之。俱是氣血不足。胚胎難長故耳。凡十月之後未產者。當大補氣血以培養之。庶無分娩之患也。

李氏曰。胎漏自人門下血。尿血自尿門下血。

蕭廣六云。胎漏下血。頻出無時。尿血溺時方下。不溺

則不下。

沈按尿血小期飲子妙。

雄按懷孕屢滑之後。氣血耗傷。有遲至三四月而生者。有妊娠帶下。多主生女。亦大不然也。吳醒香大令五令媳。素患帶。婚後帶益盛。繼漸汎愆。醫皆以爲帶所致也。久投溫瀰無效。余診之。脈甚滑數。以懷麟斷清其胎火而愈。及期果誕一男。

子淋 轉胞

杰按此淋字與俗所云赤淋淋字不同。彼指赤帶。指女精。此係指小便言也。

妊婦淋曰子淋。小便不出曰轉胞。子淋小便頻數。點
滴而痛。轉胞頻數。出少不痛。淋屬肝經。陰虧火熾。轉
胞因膀胱被胎壓住。膀胱止有一口。未溺時其口向
上。口端橫一管。上半管即名下焦。下半管即是溺孔。
未溺時膀胱之底下垂如瓶狀。其口在上。與下焦直
對。溺從下焦滲入。故曰下焦者。別迴腸而滲入膀胱
焉。欲溺時大氣舉膀胱之底。如傾瓶狀。其口向下。從
溺孔注出。故曰氣化則能出矣。轉胞一證。因胎大壓
住膀胱。或因氣虛不能舉膀胱之底。氣虛者補氣。胎
壓者托胎。若浪投通利。無益於病。反傷正氣。

本按滋潤者又謂胞系轉屈腰痛爲轉胞溲
或數或閉二說小異

子淋方

生地 阿膠 黃芩 黑山梔 木通 甘草
水煎服

丹溪治一妊婦小便不通令一婦用香油塗手自產
門入托起其胎溺出如注卽用人參黃耆升麻大劑
煮服又治一婦轉胞用參歸煎服探吐得愈

沈按初菴載其方名參朮飲蓋當歸熟地黃芍藥
芍藥人參白朮留白陳皮半夏炙甘草加薑煎空

心脈搏澀論曰。瘕瘕之病。婦之稟受弱。者。憂悶多者。性躁急者。食味厚者。多有之。古方用滑藥。鮮效。因思胞不自轉。爲胎被壓。胎若舉起。胞必自疏。水道自通矣。近吳宅龍人患此。脈似澀。重則弦。予曰。此得之憂患。清爲血。少氣多弦。爲有飲。血少則胎弱。不能舉。氣多有飲。中焦不清而溢。則胎避而就下。乃以上藥與飲。隨以指探喉中。吐出藥汁。候氣定。又與之而安。此恐偶中。後治數人。皆效。

仲景云。婦人本肥盛。今反羸瘦。胞系了戾。但利小便則愈。宜服腎氣丸。以中有茯苓故也。地黃爲君。功在

補胞又法將孕婦倒懸胎轉而小便自通矣

沈按汪昂採本事安榮散治子淋心煩悶亂云子淋膀胱小腸虛熱也。虛則不能制水。熱則不能通利。故淋。心與小腸相表裡。故煩悶。方用人參甘草之甘以補虛。木通燈草之滲滑。石之滑以通淋。陽肺燥則天氣不降。而麥冬能清之。腎燥則地氣不升。而細辛能潤之。血燥則清瀆不濡。而當歸能滋之也。亦有因房勞內傷胞門衝任虛者。宜八珍湯或腎氣丸。

本草綱目妊娠下血用此。一箇烏骨者尤妙。開孔
去白留黃。入漂鉛丹五錢。攪以泥。裹煨透。研末。每服
二錢。米飲下。一服效。是男。兩服效。是女。曾試過有
效。有不效。然利卽不止。而腹痛必緩。

薛立齋云。一妊婦久利。用消導理氣之劑。腹內重墜。
胎氣不安。又用阿膠艾葉之類。不應。用補中益氣湯
而安。繼用六君子全愈。

又云。妊娠利下黃水。是脾土虧損。真氣下陷也。宜補
中湯。

雄按此下利乃泄瀉。自利之難。若帶下赤白之類。

證仍當別治

妊娠腹痛

金匱曰婦人懷妊腹中疝痛當歸芍藥散主之

當歸

三兩

芍藥

一斤

茯苓

四兩

白朮

四兩

澤瀉

牛

芎藭

三兩

右六味爲散取方寸匕酒和日三服

又曰妊娠腹中痛爲胞阻膠艾湯主之

芎藭

阿膠

甘草

各二兩

艾葉

當歸

各三兩

芍藥

四兩

乾地黄

六兩

右七味水五升清酒三升合煮取三升去渣內

膠合消盡溫服一升日三

杰按嚴氏用治胎動經漏腰痛腹滿搶心短氣加黃耆認菴亦謂妊娠下血腹痛爲胞阻主此湯

又按又方阿膠一觔蛤粉炒艾葉數莖亦名膠艾

湯治胎動不安腰腹疼痛或胎上搶心去血腹痛

又曰懷妊六七月脈弦發熱其胎愈脹腹痛惡寒者

小腹如臍所以然者子藏開故也當以附子湯溫其

藏

附子 人參 白朮 芍藥 茯苓

大全云妊娠四五月後每常胸腹間氣刺滿痛或腸

鳴以致嘔逆減食。此由忿怒憂思過度飲食失節所致。蔡元度寵人有子。夫人怒欲逐之。遂成此病。醫官王師復處以木香散。我亦木香甘草丁香鹽湯下三服而愈。

夏墓蕩一婦。豐前橋章氏女也。已卯夏章氏來請云。懷孕七箇月。患三瘧利疾。及診病者止云。小便不通。腹痛欲死。小腹時有物墮起。至若利疾晝夜數十起。所下無多。仍是糞水。瘧亦寒熱甚微。予思俱是肝病。蓋肝脈環陰器。抵小腹。肝氣作脹。故小腹疼痛。溺不利。脹甚。則數欲大便。肝病似瘧。故寒熱。

如此卽活不必顧胎子用川棟子楠核白通草白芍茯苓甘草煎服一劑膨痛止小便利四劑產利盡除胎亦不墮以後竟不服藥彌月而產

相按徐恂堂云。蘇陵馬思圖之內久患痞痛。每發自臍間策策動。未幾偏行腹中。疼不可忍。頻年醫治不一其人。而持論各異。外貼膏藥。內服湯丸。攻補溫涼。備嘗不效。病已瀕危。謝絕醫藥。迨半月後。病勢稍減。兩月後飲食如常。而向之策策動者。日覺其長。馴至滿腹。又疑其鼓也。復爲醫治。亦不能

愈如是者又三年忽一日腹痛幾死旋產一男
子無恙而腹痞消計自初病至產蓋已九年餘矣
此等異證雖不恒見然爲醫者不可不知也

妊娠腰痛

大聖曰婦人腎以繫胞腰痛甚則胎墮故最爲緊要
若閃挫氣不行者通氣散腎虛者青娥不老丸總以
固胎爲主

通氣散方

良方

礞石故紙瓦上炒香爲末先嚼胡桃一

箇爛後以溫酒調服故紙末三錢空心服治妊娠

腰痛不可忍此藥最神可以故紙性熱妨胎惟陽性

山梔
水柴胡湯加白朮枳殼

山梔

沈按腰之近脊處屬腎兩旁近季脇者屬肝

妊婦腹內鐘鳴

大全用鼠窟前後土為細末研麝香酒調下立愈

胸內兒哭

產寶云腹中臍帶上疔瘡兒含口中因妊婦登高舉

臂脫出兒口以此作聲令其婦曲腰就地如拾物狀

仍入兒口即止
又云婦空房中鼠穴土同川黃連

煎汁飲亦效

天中書

沈按相傳腹內產時難產兒哭今人治此撒豆一
把在地令妊婦細細拾完卽愈此是妙法

梅按此誓言也王清任曰初結胎無日時又以何
物吮血養生既不明白何不歸而謀諸婦訪問的
確再下筆庶不貽笑後人此說甚精余嘗謂身中
之事而身外揣測雖聖人亦不免有未必盡然之
處故拙案論證但以氣血寒熱言之固屬弁陋實
不敢以己所未信者欺人也今春與楊素園大令
言及從來藏府之論殊多可疑楊侯歎曰君可謂
讀書得髓矣後世人之欺者矣因出玉田王清任

醫林故籍易胎拔關之書竟將軒岐以來四千餘
年之案一旦全反毋乃賊聞然此公徵諸目擊非
託空言且楊侯徧驗諸獸無不脗合然則背之鑿
鑿言藏府之形者豈不皆成笑柄哉然泰西人身
圖說一書流入中國已二百餘年所載藏府與王
說略同而俞理初未見改錯過信古書于癸巳類
稿內沿襲舊譌謂中外藏府迥殊且云外洋人異
尤有四枚尤屬杜撰欺人

養胎

杰按金匱云懷身七月太陰當養以此見十月養

胎之說其來久矣

徐之才曰。妊娠一月名胎。足厥陰肝脈養之。二月名始膏。足少陽膽脈養之。三月名始胞。手少陰心脈養之。四月始受水。精以成血脈。手少陽三焦脈養之。五月始受火。精以成氣。足太陰脾脈養之。六月始受金。精之氣以成筋。足陽明胃脈養之。七月始受木。精之氣以成骨。手太陰肺脈養之。八月始受土。精之氣以成膚革。手陽明大腸脈養之。九月始受石。精之氣以成毛髮。足少陰腎脈養之。十月五臟六腑皆具。挾精而生。

然按人鏡經惟手太陽不屬與手少陰心經一經
不養者以其上爲乳汁下主月水也

雖按此亦道其常耳有每妊不足月而產者有必
踰期而產者有先後不
等者亦不爲病也惟產不
足月而形有未備或產
雖足月而兒極萎小者皆
母氣不足爲病再有身
時須預爲調補自然充備
余鄰家畜一母雞連下
數卵殼皆軟鄰以爲不祥
欲殺之余謂此下卵過多
母氣虛也令以粳米蛇
牀子飼之數日後下卵
如常推之于人理無二致
巢元方曰妊娠受胎此日
一變隨胎在三五月者

多在二四六月者。三月屬心。五月屬脾。七月屬肺。皆屬臟。屬爲陰。陰常不足。故多墮耳。如在三月墮者。後孕至三月仍墮。傷心脈受傷也。先須調心。五月七月墮者。亦然。惟一月墮者。或不知也。一月屬肝。怒則多墮。洗下體。竅開亦墮。一次既墮。肝脈受傷。下次仍墮。今之無子者。大半是一月墮者。非盡不受胎也。故凡初交後。最宜將息。勿復交接。以擾子宮。勿令勞怒。勿舉重。勿洗浴。又多服養肝平氣藥。則胎固矣。

丹溪曰。陽施陰化。胎孕成。血氣虛損。不足以榮養其胎。則白墮。譬如枝枯則果落。藤萎則花墮。或勞怒。或

懷內火便動亦能動胎正如風撼其樹人折其枝也
火能消物造化自然之源乃謂風冷傷子臟而墮未
得病情者也有孕婦至三四月必墮其脈左手大而
無力重取則滑知血少也止補中氣使血自榮以自
水濃煎下黃芩末數寸劑而安因思胎墮于內熱而
虛者爲多日熱日虛當分輕重蓋孕至三月上屬相
火所以易墮不然黃芩熱艾阿膠何謂安胎妙藥耶
方約之曰婦人有疾則礙脾運化遲而生滯滯生熱
丹溪用黃芩白朮爲安胎聖藥蓋白朮健脾養滯條
芩清熱故也但在婦人賴血養胎方內西物去川芎佐

之爲尤備耳

張飛疇曰古人用條芩安胎惟形瘦血熱營行過疾胎常上逼者相宜若形盛氣衰胎常下墜者非人參舉之不安形實氣盛胎常不運者非香砂耗之不安血虛火旺腹常急痛者非歸芍養之不安體肥痰盛嘔逆眩暈者非二陳豁之不安此皆治母氣之偏勝也若有外邪仍宜表散伏邪時氣尤宜急下惟忌芒硝切不可犯

雄按條芩但宜于血熱之體若血虛有火者余以竹茹桑葉絲瓜絡爲君隨證而輔以他藥極有效

蓋三物皆養血滋熱而息內風也。物之堅弱莫如竹皮。禮云如竹箭之有筠是也。皮肉之繫貼亦莫如竹。故竹雖從而皮肉不相離。實爲諸血證之要藥。觀塞舟不漏可知矣。桑葉蠶食之以成絲。絲瓜絡筋膜聯絡質韌子堅。具包羅維繫之形。且皆色青入肝。肝虛而胎系不牢者。勝于四物阿膠多矣。惜未有發明之者。

王海藏云。安胎之法有二。如母病以致動胎者。但療母則胎自安。若胎有動以致母病者。安胎則母自安。

丹溪云。有婦經住。或厥素未具。其胎必墮。察其性急。多怒。色黑。氣實。此相火太盛。不能生氣化胎。反食氣。傷精故也。

又曰。有婦經住三月後。尺脈或滑或微弱。其婦卻無病。知是子宮真氣不全。故陽不施。陰不化。精血雖凝。終不形成。或產血塊。或產血泡也。惟脈洪盛者。不墮。胎動不安。

血虛火盛。其婦必形瘦。色黑。其胎常上逼者。宜條芩阿膠。

然按劉張李諸說。謂形瘦血熱。宜條芩。血虛火旺。

宜歸芩此似將上一二條併爲一治想須在胎上與
與腹急痛上分別未知是否存參

氣虛婦體肥白胎常下墜宜人參

杰按體肥白是氣虛證據宜與芩參看又思體
肥白者未必皆氣虛必肥白而胎下墜方是形盛
氣衰也須辨存參

相按審屬氣虛欲墮者補中益氣法甚妙

形氣盛胎常不運者宜香砂

痰氣阻滯體肥嘔逆眩暈者宜二陳

怒氣傷肝加味逍遙散

毒藥動胎 白扁豆二兩生薑皮爲末新汲水下服

逆門須合參以辨其證

交接動胎 其證多嘔產室

載綱目方飲竹瀝

一升有驗人參尤妙

藥礮著胎 惡露已下疼痛不止口噤欲絕用神妙

佛手散探之若不損則痛止子母俱安若損胎立

便逐下即芎藭湯治傷胎多神效

胎動下血不絕欲死本草綱目吊蜜蜂蟻如鴉子

煎三五洗投美酒半升服立

陰天神效

性清八陽明故也

雄按懷妊臨月竝無傷動。驟然血下不止。腹無痛。苦者名海底漏。亟投大劑參耆。十不能救其一。二。此由元氣大虛。衝脈不攝而營脫于下也。

王叔和云胎病不動欲知生死。令人摸之如覆盆者男。如肘頸參差起者女也。冷者爲死。溫者爲生。

聖濟總錄云胞衣不下。急於胎之未生子死腹中。危於胎之未下。蓋胞衣未下。子與母氣通其呼吸。若子死腹中。胞藏氣寒。胎血凝滯。氣不升降。古方多以行血順氣藥及硝石水銀礪砂之類。然胎已死。軀形已冷。血凝氣聚。復以至寒之藥下之。不惟無

益而害母命也。多矣。古人用藥。深于用意。子死之理。有二端。用藥。寒溫各從其宜。如娠婦胎漏。血蓋子死者。有墮。墮。顯。顯。內。傷。子。死。者。有。久。病。胎。萎。子。死者。以。附。子。湯。進。三。服。使。胞。落。溫。煖。凝。血。流。動。蓋。以。附。子。能。破。寒。氣。墮。胎。散。也。若。因。傷。寒。熱。證。溫。瘧。之。類。胎。受。熱。毒。而。死。留。於。胞。中。不。下。者。古。人。慮。其。胎。受。熱。毒。勢。必。脹。大。難。出。故。用。礬。硝。水。銀。礬。砂。之。類。不。惟。使。胎。不。脹。且。能。使。胎。化。爛。副。以。行。血。順。氣。之。藥。使。胎。卽。下。也。

熱病胎死腹中。新汲水。濃煮紅花汁。和童便。熱飲。下。

效
經

妊病去胎大麥芽一升。煮二升。服之。卽下。

金

齊仲甫曰。墮胎後血出不止。一則因熱而行。一則氣虛不能斂。瀉血多者。必煩悶而死。或因風冷墮胎。血結不出。搶上攻心。煩悶而死。當溫經逐寒。其血自行。若血淋漓不止。是衝任氣虛。不能剋制故也。宜膠艾湯加伏龍肝散。

細按有無故墮胎而惡露全無者。此血虛不能榮養。如果之未熟而落。血既斷絕。不可拘常例而再妄行其藥也。

問何以知胎死。曰面赤舌青。母脈不至。子死而青。舌赤。子活。母死。面舌俱青。子母俱死。死胎墮。腹脹痛。亦與常產不同。

雄按吳鞠通曰。死胎不下。不可拘執成方而悉用通法。催生亦然。當求其不下之故。參以臨時所現之脈證。若何。補偏救弊。而胎自下也。余謂諸病皆爾。不特下死胎也。

又按寓意草有用瀉白散加芩柏以下死胎之案。可見人無一定之病。病非一法。可治藥無一定之劑。隨機應變。貴乎用得其當也。

又按許裕卿治邵涵貞室。娠十月月不產。不敢執
意憑脈。問諸情況。果孕非病。但云孕五月以後不
動。心竊訝之。爲主丹參一味。令日服七錢。兩旬餘
胎下已死而枯。其胎之死。料在一五月不動時。經年
在腹不腐而枯。如果實在。胎敗者必腐。亦有不腐
者。則枯胎之理可推也。余謂此由結胎之後生氣
不旺。未能長養。萎于胞中。又名僵胎。亦有不足月
而自下者。併有不能破胞而自落者。余見過數人
矣。若胎已長成。豈能死于腹中而不爲大患。至年
餘而始下哉。惜許君言之未詳也。丹參。張子行血

專丹能下死胎凡胎前產後宜慎服世人謂其功兼
四物以之安胎因而反譏其墮而人不知之余見
亦多矣

又按凡大毒大熱及破血開竅重墮利水之藥皆
為妊娠所忌便產須知歌曰坑青節青蠶子水蛭

與蟲蝨烏頭附子及天雄野葛水銀鹽巴豆牛膝

薏苡併蜈蚣三稜莪莪菰石芫花麝香大戟蛇蛻

黃雌雄砒石大芒硝大黃牡丹桂槐花子同此藥

何以孕婦禁服蓋能牽牛白角同半夏製透者

蕩滌子宮精濁也是麝製陳久兼通草瞿麥乾薑桃仁木通細砂

木草綱目續曰烏紫

側子羊蹄通荻蘆酒根厚朴及薇衛樛根蘭茹葵

花半赤箭蘭草刺蝟皮鬼箭紅花蘇方木麥蘖常

山葵藜蟬錫粉礪砂紅娘子即葛上亭長硫黃石鱉竝

蜘蛛螻蛄衣魚兼蜥蜴桑螵蛸生薑枏雞牛黃太

兔驢馬肉隨解蝦蟇共龜余又補之山甘遂沒

藥破故紙延胡索陸五靈脂薑黃葶藶山甲歸

尾靈仙樟麟續隨王不留行龜鼈甲麻黃川椒神

麋伏龍肝珍珠犀角車前子赤芍丹參益母射干

澤瀉澤蘭紫草蔓生土瓜根滑石自犀角至此雖非傷胎之藥然

孫行直通鑑卷一百一十五
無損不者充宜藥用藥如不足及男
在此例及紫葳藥及外科全生集云娠婦患瘡
瘍雖膏藥不宜擅貼恐內有毒藥能墮胎也夫外
治尚宜避忌况內服乎故婦人善飲火酒者每無
生育以酒性熱烈能消胎也附及之以為種玉者
先

附泰西諸說見合信氏
全補新論

女子尻骨盤內前為膀胱中為子宮後為直腸膀胱
溺管一寸其下為陰道即產門也產門內理橫
生可寬可窄其底銜子宮之口陰水生焉

子宮狀若番茄。挂骨盆之內。長二寸。底濶一寸。三分內空爲三角。房一角在比。兩角在底。底角有小孔。底孔有二筋帶懸之。此帶無力。卽有子宮下墜之憂。受胎之後。漸大而圓。七月至臍上。九月至胸下。娩後復縮小。

子宮之底。左右各出子管一支。與小孔通。長二寸半。垂于子核之側。不卽不離。

子核者在子宮左。右離一寸。向內有帶與子宮相連。向外有筋帶與子管相繫。形如蓮兒。內有精珠十五粒。至十八粒。不帶內貯清液。變爲陰精。女子

八月之年精珠始生至月信絕其珠化為烏有

男精入子宮透子宮子宮畢子核子核成動精珠

迸裂陰陽交會復入子宮結成胚珠子管漸大胚

珠漸行數日之內行至子宮生膠粒以塞子宮之

口是謂受胎出系身不孕殆即核無精珠故耶

子核之內裂一珠成一孕裂雙珠即孿生若子宮

受病子管閉塞子核有恙核無精珠者皆不受孕

受孕而胚珠生十二日生毛內涵清水有兩小物

渾其中一圓一長長者人也積日彌大圓者養胎

之物也積日彌小胎盤生此物即無矣二十日胚

形如大蠟三十日如牛蠅長四寸身骨可辨且有
眼模三十五日睛帶生四十二日脈有口四十五
日初見四肢六十日手足全骨點始生上有耳鼻
下有肛門是爲受形之始長一寸六十五日始生
藏府九十日見全形男女可辨長二寸胎盤成至
四月內外皆備長四寸五月胎動六月長六寸髮
甲生七月長八寸骨節相成八月長尺一寸羣九
由腹落入囊九月日始開長尺二寸十月胎足
嬰兒在胎肺小肝大不須呼吸地氣故血之運行
與出世不同妊始二十日心已煖煖初見一管漸

分兩房漸成四房。上兩房有戶相通。此出胎兒

之血來自胎盤。由臍帶入一半入肝。肝通入心。一

半入迴血總管。上達心。右上房。即通左上房。此出

不通而落左下房。入血脈總管。先上兩手頭腦之內。

由迴管返心。右下房。即自入肺管。透血脈總管之

拱。此川世後不通然後落下身兩足。兒必上天下小。以上

身先受赤血也。于是復出臍帶而達胎盤。改換赤

血。輪流不息。蓋以胎盤為肺用也。出世後呱呱以

啼。肺即開張以呼吸。而心左右兩通之戶即閉塞。

若不閉。紫血與赤血併。兒即死。而身青矣。雄按人

云胎居子宮以臍帶吸取母血以養之有如樹木以根吸取土澤

胎盤俗名胞衣乃胚珠之毛黏子宮內膜而生其毛漸變爲血管三月成盤形圓僅五寸厚一寸其體半爲孕婦血管半爲胎兒血管孕婦脈管甚大銜接兒血管滲洩精液以養之臍帶一頭連胎盤一頭連兒臍中空成管外有兩脈管繞之兒生之後母子血管截然分張或有胎盤未離血管半斷則血暴下

乳者赤血所生乳頭之管漸入漸分如樹分枝行至乳核即與脈管相接乳汁由是化成月水乃

子宮所生之液以備胎孕之需。非血也。雄按所云

非灌輸脈絡榮養百骸之宮血故無孕之時可以按月而行然亦藉氣血以生化故氣血衰則月水

少若月水過多則氣血亦耗也

禽不雄而卵伏而不孵蛙蛤之屬常雌出卵雄出

其精以護之身負而行精不入腹蚯蚓雌雄相交

兩皆成孕草木以中心為雌花鬚為雄風吹鬚粉

散落于花心膠液接之乃能含仁結子若去其鬚

即不實。雄按鹿苑聽而有孕白鶴視而有胎造化

論又云中外之人貌有不同而藏府氣血無不同者且說理最精並非虛揣空談爰錄如右以資參

考惟產育有不止十八胎者其精味之數歷味可泥

卷上終